



COMUNU DE SCALEPRANU

PROVÌNTZIA DE SUD SARDIGNA

DELIBERATZIONI DE SU CUNSILLU COMUNALI

N. 17 DE SU 02/09/2020

OGETU: APROVATZIONI DE SU RENDICONTU PO SA GESTIONI FINANTZIÀRIA PO S'ANNU 2020

S'annu duamillaebinti, in di de su DUUS de su mesi de CABUDANNI a is 18,20, in s'apostu de is adunàntzias cunsiliaris de su Comune de Scalepranu pustis su convocatu fatu cunforma a s'art.3 de su regulamentu de su Cunsillu Comunali, s'est atobiau su Cunsillu Comunali in prima cunvocatzioni. Is cunsilleris Agus, Carta e Leoni pigant parti in modalidadi de videocunferèntzia cun sa aplicatzioni informàtica WhatsApp

A s'apellu nominali nd'arresutant presentis:

SU SÌNDIGU Marco Lampis

CUNSILLERIS PRESENTIS

AGUS DANILO
CARTA PAOLO
LAI ALESSANDRO
LAI ANTONIO
LEONI ELEONORA
LOCCI MAURO
PISANU MICHELE
PRASCOLU NICOLA
ROSAS JOHNNY
SPANO SANDRA RITA

ZEDDA FILIPPO ANDREA

CUNSILLERIS ASSENTIS

USALA LAURA

Cunsilleris assenniaus n.12 prus su Sìndigu, totali n.13

Cunsilleris in càrriga n.12 prus su Sìndigu, totali n.13

Totali presentis n. 12

Totalis assentis n. 1

Cun s'assistèntzia de su Segretàriu Comunali Dot. Giovanni Mattei, su Sindigu Marco Lampis, ndi pigat sa presidèntzia e acrarau su nùmeru legali de is intervènnius, de crarat oberta sa setzida e invitat is cunvocaus a deliberari a pitzus de s'ogetu inditau impitzus.

Si donat atu ca sa piataforma telemàtica chi permitit de arreconnosci sa faci e sa boxi e de permìtiri a su Segretàriu de identificai si chi pigant parti est sa aplicatzioni informàtica WhatsApp.

SA SETZIDA EST PÙBLICA

SU CUNSILLU COMUNALI

PREMÌTIU ca, cun Decretu Legislativu n.118 de su 23,06,2011, cun in disponimentus po s'armonizatzioni de is sistemas contàbilis e is schemas de bilànciu de is Regionis, de is Entis Localis e de is ufizius cumpetentis, funt stètius inditaus is printzìpius contàbilis de fundamentu po coordinai s'finanzia pùbrica cunforma a s'art.117 – c.3 – de sa Constitutzioni;

BIUS:

- Su D.Lgs. 10 de Austu 2014, n.126 chi at modificau e integrau su D.Lgs. 23 de Argiolas 2011 n.118, riferendi-sì a su sistema contàbili e a is schemas de bilànciu de is Regionis, de is entis localis e de is ufizius cumpetentis, cunforma a is articulus 1 e 2 de sa lei 5 de Maju 2009, n.42;

- Su D.Lgs. n.267 de su 18/08/2000, Testu Ùnicu de is Entis Localis, coordinau cun su D.Lgs. n.126 de su 10/08/2014;

DONAU ATU ca, de su 01,01,2015, est intrada in vigèntzia sa contabilidadi noa armonizada a su D.Lgs. 118/2011 arremonau e ca de su 01,01,2016 is schemas armonizaus ant sostiuu integralmenti is schemas chi fiant in vigèntzia cunforma a su D.P.R. 194/1996;

RILEVAU ca su rendicontu po s'annu econòmicu 2019 depit, po custu, èssiri aprovau a is schemas armonizaus cunforma a s'allegau 10 de su D.Lgs. 118/2011, e aprichendi is printzìpius cunforma a su D.Lgs. 118/2011, modificau e integrau de su D.Lgs. n.126/2014;

ARREMONAU s'art.222 de su D.Lgs. 267/2000, chi narat ca:

1. *“Sa dimostratzioni de is arresurtaus de gestioni s'amostat cun su rendicontu de sa gestioni etotu, innui ddoi faint parti su contu de su bilànciu, su contu econòmicu e su stadu patrimoniali.*
2. *Su rendicontu de sa gestioni est deliberau aintru de su 30 de Abrili de s'annu infatu de su Cunsillu, ponendi in contu sa relatzioni de s'ufitziu de revisioni. Sa proposta est posta a disponimentu de is cunsilleris ainnantis de su cumentzu de sa setzida de su cunsillu innui benit esaminau su rendicontu aintru de un tèrmini, no prus pagu de binti diis, stabiliu de su regulamentu de contabilidadi”.*

BIU fintzas su printzìpiu de contabilidadi finanziaia cunforma a s'allegau 4.2 a su D.Lgs. n.118/2011 chi dissipilnat su sistema contàbili po rilevai sa gestioni in sa parti finanziaia cun funtzioni de autorizatzioni e arrespetendi su printzìpiu de cumpetèntzia finanziaia potentziada chi inditat su critèriu de imputatzioni de is obrigatzionis giuridicas a s'esertzìtziu finanziaiu de innui funt esigibilis;

BIAS:

- sa deliberatzioni de su Cunsillu Comunali n.10 de su 24/06/2019 po sa previsionis de bilànciu, cun arreferimentu a su bilànciu consolidadu, de su comma vigenti n.3 de s'art. 233-bis de su TUEL de no predisponniri su bilànciu consolidau;

- sa deliberatzioni de su Cunsillu Comunali n. de su 24/06/2019 innui si rinviat fintzas a totu su 2019 po s'adotzioni de is printzìpius apricaus de contabilidadi econòmicu-patrimoniali e s'affiancamentu chi cunsighit de sa contabilidadi econòmicu patrimoniali a sa contabilidadi finanziaia prevediu de s'art.2, commas 1 e 2, de su D.Lgs. 118/2011;

BIU su D.L. 26 de Ladàmini 2019, n.124, cunvertiu cun sa lei de su 19 de su mesi de Idas 2019 n.157, chi modificat su comma 2 de s'articulu 232 de su decretu legislativu de de Austu 2000 n.267, chi spetzificat ca is entis chi rinviat sa contabilidadi econòmicu-patrimoniali cun riferimentu a s'annu 2019, allegant a su rendicontu 2019 una situatzioni patrimoniali a su 31 de su mesi de Idas 2019, fata cunforma a su schema de s'allegau 10 a su decretu legislativu 23 de Làmpadas 2011, n.118, cun modalidadis sempificadas inditadas de su decretu de su Ministeru de s'economia e de sa finanzia, impari cun su Ministeru de s'Internu e cun sa Presidèntzia de su Cunsillu de is Ministrus;

ARREMONAUS custus autus:

- deliberatzioni de su Cunsillu Comunali n.15 de su 15/07/2019 innui est stètiu aprovau su Rendicontu po sa gestioni 2018 e is allegaus cosa sua;
- deliberatzioni de su Cunsillu Comunali n.9 de su 11/04/2019, innui est stètiu aprovau su Documentu Ùnicu de programatzioni e su Bilànciu de Previsioni po is annus 2019/2021;

- deliberatzioni de sa Giunta Comunali n.29 de su 12/06/2019, innui s'est provediu a sa variatzioni de urgèntzia n.1 a su bilànciu de previsionì po s'annu finantziàriu 2019/2021, agoa ratificada cun deliberatzioni de su Cunsillu Comunali n.17 de su 15/07/2019;
- deliberatzioni de su Cunsillu Comunali n.19 de su 09/08/2019, innui s'est provediu cunforma a s'art.193, comma 2 de su D.Lgs. n.267/2000 – salvaguàrdia de is ecuilibrius de bilànciu, pigadura d'atu de is ecuilibrius e variatzioni n.2 po s'assestamentu generali de bilànciu cunforma a s'art.175, comma 8, de su D.Lgs. 267/2000;
- deliberatzioni desu Cunsillu Comunali n.20 de su 09/08/2019, innui s'est provediu a sa variatzioni n.3 a su bilànciu de previsionì po s'annu finantziàriu 2019/2021 cun apriatzioni a su bilànciu de previsionì 2019/2021 cuota chi coillat a sa gestioni de s'aministratzioni art.187 de su D.Lgs. 267/2000;
- deliberatzioni de sa Giunta Comunali n.45 de su 18/09/2019, innui s'est provediu a sa variatzioni de urgèntzia n.4 a su bilànciu de previsionì po s'annu finantziàriu 2019/2021 e variatzioni a is stantziamentus de càscia econòmica cun adeguamentu consighenti de su PEG 2019/2021, agoa ratificau cun deliberatzioni de su Cunsillu Comunali n.23 de su 17/10/2019;
- deliberatzioni de sa Giunta Comunali n.56 de su 27/11/2019, innui s'est provediu a sa variatzioni de urgèntzia n.5 a su bilànciu de previsionì po s'annu finantziàriu 2019/2021 e variatzioni a is stantziamentus de càscia econòmica cun adeguamentu consighenti de su PEG 2019/2021, agoa ratificau cun deliberatzioni de su Cunsillu Comunali n.25 de su 31/12/2019;
- determinatzioni de su Responsàbili de su servìtziu finantziàriu n.599 de su 30/12/2019, innui s'est provediu a sa variatzioni de urgèntzia n.5 a su bilànciu de previsionì po s'annu finantziàriu 2019/2021 po su fundu càscia econòmica po prus annus vincolau e is stantziamentus cunforma a s'artìculu 175 c. 5-quater, lit. B) de su decretu legislativu n.267/2000;

DONAU ATU ca cun deliberatzioni de sa Giunta Comunali n.26 de su 29/07/2020 est stètiu aprovau s'acramentu ordinàriu de is resìduus ativus e passivus a su 31/12/2019 cunforma a s'art.3, comma 7, de su D.Lgs. n.267/2000 e torrau a determinai su fundu vincolau po prus annus a su 31/12/2019;

BIU ca su Tesoreri comunali, Bancu de Sardigna S.p.a. at torrau su contu de sa gestioni po s'annu 2019, cunforma a s'art. 226, debitamenti sutascritu e currendau de totu sa documentatzioni contàbili prevedia, de innui nd'arresurtat a pari in sa parti chi pertocat is pagamentus e riscossionis, e evidèntziat un fundu càscia a su 31/12/2019 de € 5.635.584,41 chi currispundit a is risurtantzias contàbili de s'Enti;

ACRARAU ca s'Agentzia de is Intradadas riscossioni at torrau su contu de gestioni po s'annu 2019 cunforma de s'art.25 de su D.Lgs. 112/99 e funt stètiu torraus is contus de gesioni de sa contabilidadi interna a s'Enti, cunforma a is artìculus 226 e 233 de su D.Lgs. 267/2000, parificaus cun su vistu de regularidadi postu de su Responsàbili de su Servìtziu Finantziàriu, po sa predisposizioni de su Rendicontu po s'annu 2019;

ARREMONADA sa determinatzioni de su Responsàbili de su servìtziu finantziàriu n.161 de su 05/06/2020 cun ogetu “Contus de sa gestioni de s'economu comunali e de is agentis contàbilis po s'annu 2019. Parificatzioni”;

BIU su schema de rendicontu de sa gestioni finantziària po s'annu econòmicu 2019, fatu cunforma su schema de s'allegau 10 a su D.Lgs. n.118/2011, aprovau cun deliberatzioni de sa Giunta Comunali n.32 de su 12/08/2020, cun ogetu: “Aprovatzioni de su schema de Rendicontu po sa gestioni de s'annu finantziàriu 2019 e de sa Relatzioni de sa Giunta Comunali”;

PIGAU ATU de sa Relatzioni de s'ufitziu de revisioni contàbili po sa proposta de deliberatzioni cunsiliari de su rendicontu de sa gestioni annu 2019 e po su schema de rendicontu, achiria a su prot. cun su n.5098 de su 02/09/2020;

BIU ca, in sa relatzioni arremonada a su puntu pretzedenti, si sinnalat ca: *“arrìtzia su 12/08/2020 sa proposta de delibera cunsiliari e su schema de rendicontu po s'annu 2019 aprovaus cun delibera de sa Giunta comunali n.4822 de su 11/08/2020 (n. prot. Proposta de deliberatzioni, deliberatzioni G.C. n.32 de su 12/08/2020), cun is documentus obrigatòrius cunforma a su Decretu Legislativu 18 de Austu 2000, n.267 (Testu ùnicu de is leis po s'ordinamentu de is entis localis – agoa TUEL) e integraus su 28/08/2020 po mori de àteras verìficas fatas in su FCDE est stètiu riscontrau ca su balori giustu fiat*

370.406,28 e no 230.826,26, arresoni chi at fatu currègiri a su Revisori ùnicu is baloris po fai custa relatzioni inditendi a s'enti de fai is curretzionis e de ddas aprovai”;

RITÈNNIU de cumpartziri custas osservatzioni po sa revisioni contàbili e de protzedi a s'aprovatzioni de is retificas chi spetant a su rendicontu de sa gesioni po s'annu 2019;

BIU su rendicontu de sa gestioni po s'annu 2019 fatu cunforma a is schemas de s'allegau 10 de su D.Lgs. 118/2011, emandau cunforma a sa relatzioni de s'òrganu de revisioni, e is allegaus sighetis:

- su prospetu po amostai s'arresurtau de aministratzioni, fatu de s'elencu analìticu de is arresuras postas a parti in s'arresurtau de aministratzioni, de s'elencu analìticu de is arresuras vincoladas in s'arresurtau de aministratzioni e de s'elencu analìticu de is arresuras destinadas a is investmentus in s'arresurtau de aministratzioni, introdùsius cun su D.M. 01,08,2019;

- su prospetu po sa cumposizioni, po missionis e programis, de su fundu po prus annus vincolau; su prospetu po sa cumposizioni de su fundu crèditus de esigibilità dudosa;

- sa tabella chi amostat is impènnius pigaus in s'annu in cursu e in cussus pretzedentis imputaus a is annus benidoris;

- prospetus de is datus SIOPE e de is disponibilitadis econòmicas, cunforma a s'art.77 quater, c.11, D.L. 112/2008;

- s'elencu de si chi coillat, ativus e passivus chi nd'arribant de is annus pretzedentis a-i cussu de competèntzia, pratzius de annu in annu e po capìtulu;

- s'elencu de is crèditus chi no si podint esigiri, stralciaus de su contu de su bilànciu, fintzas a candu no iant a acabai is tèrminis de prescritzioni;

- su pianu de is inditadoris e de is arresurtaus de bilànciu cunforma a su comma 1 de s'art.18 bis, de su D.Lgs. 118/2011;

- s'elencu de is spesas de rapresentàntzia fatas de is rapresentantis de governu in s'annu 2019, prevediu de s'artìculu 16, comma 26, de su decretu lei 13 de Austu 2011, n.138, cunvertiu cun modificatzionis de sa lei n.148/2011, cunforma a su mollu aprovau cun D.M. Internu de su 23 de Gennàrgiu 2012;

- sa taulledda de is paràmetru de riscontru de sa situatzioni de deficitarietàadi strutrali cunforma a su Decretu Interministeriale Internu e MEF de su 25 de Idas 2018, innui funt stètius individuaus is paràmetrus nous po is annus 2019-2021;

- s'acraratzioni de is tempus in mèdia po su pagamentu po s'annu 2019, fata cunforma a su D.L. n.66/2014, cunvertiu in lei n.89/2014;

- sa relatzioni po sa gestioni de s'ufitziu esecutivu, aprovada cun deliberatzioni de Giunta comunali n.32 de su 12/08/2020;

- sa relata de su Revisori de is contus cunforma a s'art.239, comma 1, lìtera d) de su D.Lgs. n.267/2000;

CUNSIDERAU ca sa gestioni ponit a craru:

- un arresurtau de aministratzioni, de 2.972.325,39 a lordo de is cuotas postas a parti, vincoladas e destinadas a is investmentus;

- un arresurtau de aministratzioni a su netu de is cuotas postas a parti, voncoladas e destinadas a is investmentus, de € 1.973.323,86;

- su fundu càscia a su 31.12.2019 arresurtat ogualli a € 5.635.584,41;

ACRARAU ca, cunforma de s'art.227 comma 2 de su TUEL e de s'art.89 comma 3 de su Regulamentu de Contabilitàdi Comunali vigenti, totu is documentus funt postus a disponimentu de is cunsilleris comunalis, chi nd'ant arritziu comunicatzioni cun lìtera prot. n.4861 de su 12/08/2020;

ACRARAU ca sa gestioni finantziària s'est fata in cunformidadi a is printzìpius e a is arrègulas prevedias in matèria de finàntzia locali e de contabilitàdi pùblica;

ARREMONAUS:

- Su Decretu Legislativu 18 de Austu 2000, n.267;

- Su Decretu Legislativu 23 de Làmpadas 2011, n.118 e mm.ii. ss.;

- Su Statudu Comunali;

- Su Regulamentu de contabilitàdi vigenti;

ACHIRIUS su parri de regularidadi tènnica e contàbili, cunforma a s'articulu 49 de su D.Lgs. 267/2000, de parti de su Responsàbili de su servìtziu Finanziàriu;

SU PRESIDENTI illustrat s'argumentu chi est a s'òrdini de sa dii e, pustis discussioni manna, ponit a is votus sa proposta e si ndi otennit custu arresurtau:

- PRESENTIS E VOTANTIS N.12;
- VOTUS A FAVORI N.12;
- CONTRÀRIUS N. / ;
- ASTÈNNIUS N. / ;

A s'unimidadi de is votus a favori, espressaus cunforma a sa lei

DELÌBERAT

1. De aprovai su Rendicontu po sa gestioni de s'annu finanziàriu, fatu cunforma su schema in allegau 10 de su D.Lgs. n.118/2011, cun is allegaus relativu chi faint parti integranti e sustanziali de custu autu, innui funt retzepias is modificas arrechestas de s'ufitziu de revisioni contàbili, dot.ra Monia Ibba, in sa Relatzioni po sa proposta de deliberatzioni cunsiliari de su rendicontu de sa gestioni, e su schema de rendicontu annu 2019, achiria a su protocollu a su n.5098 de su 02/08/2020, innui su Servìtziu finanziàriu at retificau sa proposta de deliberatzioni cunsiliari de su rendicontu e su rendicontu de sa gestioni 2019, in particulari sa determinatzioni po s'acantonamentu a su fundu crèditus de esigibidadi dudosa e fundu svalutatzioni crèditus, e a s'inditatzioni chi cunsighit de € 1.973.323,86 cumentu dinai a disponimentu de s'arresurtau de aministratzioni, in basu a su matessi arresurtau de aministratzioni a su 31/12/2019 chi arresurtat de su prospetu de rendicontu allegau a sa delìbera de G.C. n.32 de su 12/08/2020;
2. De pigai atu de s'arresurtau de aministratzioni po s'annu 2019 chi si serrat cun d-unu avanzu de € 2.972.325,39 determinau cunforma a is artt. 186 e 18 de su DLgs. N.267/2000, agiornaus de su D.Lgs. n.118/2011, cumentu inditau ne is prospetus chi sighint;
3. Ca su rendicontu de gestioni est fatu de su Contu de Bilànciu, Stadu Patrimoniali Semplificau e ca cussu etotu est cuncretizau cun custus arresurtaus:

PROSPETU CHI AMOSTAT S'ARRESURTAU DE AMINISTRATZIONI

		GESTIONI		
		Si chi coillat	Cumpetèntzia	TOTALI
Fundu càscia econòmica a su 1 de Gennàrgiu				4.287.275,95
RISCOSSIONI	(+)	183.640,76	4.730.568,43	4.914.209,19
PAGAMENTUS	(-)	504.800,94	3.061.099,79	3.565.900,73
SALDU DE CÀSCIA A SU 31 DE IDAS	(=)			5.635.584,41
PAGAMENTUS po atzionis esecutivas no regularizadas a su 31 de Idas	(-)			0,00
FUNDU DE CÀSCIA A SU 31 DE IDAS	(=)			5.635.584,41
SI CHI COILLAT A MANERA ATIVA	(+)	614.085,75	512.197,95	1.126.283,70
<i>De si chi arribant de acaramentus de tributus fatus cunforma a sa stima de su dipartimentu de sa finàntzia</i>		0,00	0,00	0,00
SI CHI COILLAT A MANERA PASSIVA	(-)	69.487,12	419.191,09	488.678,21
FUNDU PO PRUS ANNUS VINCOLAU PO SPESAS CURRENTIS	(-)			76.302,17
FUNDU PO PRUS ANNUS VINCOLAU PO SPESAS IN CONTU CAPITALI	(-)			3.224.562,34
ARRESURTAU DE AMINISTRATZIONI A SU 31 DE IDAS (A) (2)	(=)			2.972.325,39
GESTIONI				

		TOTALI
Parti posta a parti		
Fundu crèditus de esigibilità dudosà		370.406,28
Fundu po dinai antizipau		0,00
Fundu pèrditas sotziedadi partetzipadas		0,00
Fundu cuntentziosu		50.000,00
àterus acantonamentus		3.362,17
Totali parti posta a parti (B)		423.768,45
Parti vinculada		
Vincolus stabilius de sa lei		56.556,13
Vincolus stabilius de Trasferimentus		466.792,32
Vincolus stabilius de finantziametus		51.884,63
Vincolus atribuius de s'enti		0,00
àterus vincolus vincoli		0,00
Totali parti vinculada (C)		575.233,08
Parti destinada a is investimentus		
Totali parti destinada a is investimentus (D)		0,00
E) Totali parti a disponimentu (E=A-B-C-D)		1.973.323,86

CUADRO RIASSUNTIVU DE SA GESTIONI PATRIMONIALI STADO PATRIMONIALI A SU 31.12.2019

Boxi	ATIVIDADI		Tzifra	Boxi	PASSIVIDAD I e NETU	Tzifra
A	Crèditus po si chi pigant parti		0,00	A	Patrimònio netu	25.982.903,50
B	Imobilizatziònis		20.390.657,64		F.du de dotazioni	18.103.688,35
	Imaterialis	356.028,29			Arreservas	7.879.215,15
	Materiali	19.960.683,91			Resurtau econòmicu de s'esertiziu	0,00
	Finanziàrias	73.945,44		B	Fundu po arriscus e òneris	53.362,17
C	Ativo chi tzirculat		6.441.194,91	C	Impreu de raportu acabau	0,00
D	Ràtei e Riscontrus Ativus		0,00	D	Dèpidus	795.586,88
	TOTALI DE S'ATIVU		26.831.852,55		de finantziamentu	306.908,67
					Cun is Fornidoris	182.664,77
					Trasferimentus e contributus	226.950,61
					Àterus dèpidus	79.062,83
				E	Ràtei e Riscontrus passivus e contributus a is investimentus	0,00
				TOTALI DE SU PASSIVU		26.831.852,55

- De aprovai s'elencu de si chi coillat a manera attiva e passiva eliminaus/mantènnius chi nd'arribant de s'annu finantziàriu 2019 e pretzedentis;
- De donai atu ca, po mori de custa deliberatzioni, su totali de si chi coillat a manera attiva e passiva chi nd'arresurtat de su rendicontu de gestioni est si chi sighit:
 - INTRADA ECONÒMICA: Si chi coillat a manera attiva € 1.126.283,70
 - BESSIDA ECONÒMICA: Si chi coillat a manera passiva € 488.678,21
- De trasmìtiri, po connoscèntzia doverosa, custa deliberatzioni impari a totu is allegaus a s'Ufìtziu de Revisioni contàbili;
- De aprovai is contus de sa gestioni de su Tesoreri, de is agentis contàbilis internus, de su

- cunzessionàriu de sa riscossioni, parificaus cun determinatzioni de su Responsàbili de su Servìtziu finanziàriu reg. gen. N.161 d esu 05.06.2020;
5. De donai atu ca, cun sa taulledda de riscontru de is paràmetrus de defitziariedadi struturali po is annus 2019-2020, fata cunforma a su Decretu Interministeriali Internu e MEF de su 25 de Idas 2018, custu Enti nd'arresurtat *no defitzitàriu*;
 6. De aprovai s'elencu de si chi coillat a manera ativa e passiva eliminaus/mantènnius chi nd'arribant de s'annu 2019 e pretzedentis;
 7. Ca si donat atu ca, aintru de 10 diis de s'aprovatzioni e cunforma a s'art.16 comma 26 de su D.L. 13 de Austu 2011 n.138, cunvertiu cun modificatzionis de sa lei n.148/2011 e de su Decretu Ministeru de s'Internu 23 de Gennàrgiu 2012, s'elencu de is spesas de rapresentàtzia sustènnias de is ufitzius de governu de s'Enti in s'annu 2019:
 - Depit èssiri trasmitiu a sa Setzioni Regionali de Controllu de sa Corti de is Contus Cumpetenti;
 - Depit èssiri pubricau in su situ internet istituzionali de s'enti;
 8. De trasmitiri is datus de su rendicontu de sa gestioni 2019 a sa Banca datus de s'Aministratzioni Pùbrica (BDAP), cunforma de su DM 12 de maju 2016;
 9. Ca, cunforma a is modalidadis de s'art.277 comma 6-bis d esu TUEL de s'art.29 commas 1, 2 e 3 de su decretu legislativu n.33/2013 e de su DPCM 22 de Cabudanni 2014 modificau cun Decretu 29 de Abrili 2016, aintru de 30 diis de candu benit pigau custu provvedimento, s'at a protzedi a sa pubricatzioni in su situ internet comunali, de su rendicontu de gestioni 2019, is allegaus relativus e de su pianu de is inditadoris e de is arresurtaus de su bilànciu.

Parri ex art.49 de su T.U. de sa lei po s'ordinamentu de is EE.LL., aprovau cun D.Lgs. 267/2000

A) Si donat parri a favori po si chi pertocat sa regularidadi tènnica
SU RESPONSABILITÀ DE SU SERVÌTZIU
Giovanni Luigi Mereu

B) Si donat parri a favori po si chi pertocat sa regularidadi contàbili
SU RESPONSABILITÀ DE SU SERVÌTZIU
Giovanni Luigi Mereu

Lìgiu, aprovau e sutascritu

SU SÌNDIGU
Marco Lampis

SU SEGRETÀRIU COMUNALI
Dot. Giovanni Mattei

Deu etotu sutascritu Segretàriu Comunali:

ACRARU

Ca custa deliberatzioni, cunforma a sa L.R. n.2 de su 04/02/2016 est stètia pubricada a s'Albu Pretòriu de su Comunu su 09/09/2020 po ddoi abarrai po cùindixi diis de sighiu.

Su Segretàriu Comunali
Dott. Giovanni Mattei

Scalepranu su 09/09/2020

Deu etotu Segretàriu Comunali, bius is autus de ufìtziu:

ACRARU

Ca custa deliberatzioni, est esecutiva de sa diri 09/09/2020:

- Poita ca est stètia decrarada eseguibili de luegu, cunforma a s'art.134, sa de 4^u corriedda de su D.Lgs. 267/2000;
- Poita ca funt passadas 10 diis de sa pubricatzioni.

Su Segretàriu Comunali
Dot. Giovanni